

ایکھجی سنہ

نومرو : ۱۲

خزینہ اوراق

تاریخ تاسیسی

۱ مایس سنہ ۱۲۹۷



موسی

محمود جلال الدین



تاریخ طبع
و نشر } ۸
شمار ۱۲۹۹

بو رسالہ ادبیہ جمعہ ایرتسی کونلری چیقار

رقیب زیور دستار ایلدی کلی سن
 ترانه لاله کچوردک زمانک ای بلبل
 خزان کلشنی برباد ایلور حالا
 سنک ترغه مائل لسانک ای بلبل
 بوصیت و شانی انک سایه سنده بولشیکن
 کلک یاننده ندر شو فغانک ای بلبل
 تشکر ایلدک سایه نهال کله
 سزا یقارسه خزان سایانک ای بلبل
 ندن بوشائیه افتراق ناله کده
 حریم کده ایکن اشیانک ای بلبل
 بر ازده نغمه کلک (سعید) ی گوش ايله
 یورلمدیمی نوادن دهانک ای بلبل



فضائل عسکریه

فضائل عسکریه نك ایضاحی ایچون نه قدر سوز
 سویلنمش و اثبات مدعا ایچون نه درلو براهین قاطعه

سرد و بیان ایدلش اولسه، حقیقت مادیه و معنویه سنک
بسط و ابرازی ممکن اوله من؛ یعنی فضائل عسکریه نك
مزیت اصلیه سی حوصله تقدیره صغیشدیر یله من .
سیرتیده صورتی کبی عسکر اولان بر قهرمانك،
دوچار اوله جغی فلاکت و سفاقتلری یله یله محضاً محافظه
دین و وطن مقصدیله مع الافتخار ترك دار و دیار وفدای
خواب و راحت ایدرك اختیار مشاق سفر ایلمسی فضائل
انسانیه نك الك بیوکلرندن اولدیغنی اعتراف ایدمه میسه جنك
قدر کور بر وجدان تصویری عديم الامکان اولسه بجا
دکلیدر؟

محضاً دینك تعالی و سلامتی، و وطنداشلرینك استحصال
راحت و مسعودیتی، و وطن مقدسك احضار اسباب
معموریتی، مقاصد خیر مر اصدیله سلاح صدق و حقیته
صاریلان، و اختیار مشاق سفر ایدوب میدان جنك وجداله
آتیلان بر عسکر، اثنای حربده بیك درلو مشقتلره، بیك
درلو مختلره، بیك درلو فلاکتلره، دوچار اولور؛ میدان
محاربهده یاره آلیر، وجع و شدت اضطرابندن طاشلری
طیراقلری کیرر؛ کیم اهمیت ویره جنك؟ قروپ طوپلرینك
ایکلدیلرینه، هجوم بور یلرینك دهشتلی سسلرینه، برده
اسلام عسا کرینه مخصوص اولان (الله الله) صدارتی انضمام

ایدرک آوانده میدان حرب نمونه نمای میدان محشر اولور.
 بویله بر آنده او بیچاره نك فریاد و فغانی کیمك قولاغنه
 کیده جك! یتاق یرینه طپراقلره سر یلمش، یصديق یرینه
 قیلاره یصلنمش، آل قانلر صاچان او قهرمانی کیم قوجا-
 قلبه جق! یاره لرینی کیم صاره جق؛ وصیتلرینی کیم دیکلیه جك!
 «آه وطن اغورنده اولیورم: وطنداشلرم امان برطامله صو
 دیه حایقیر» بیچاره نك صولك نفسنده کی الك اوفق بو
 آرزوسنی ایغایه کیم مقتدر اوله جق! محققه الك سوکیلی
 دوستلری بیله بو آنده کندیسنه معاونت و خدمتدن عاجز
 قاله جقدر. بیچاره اولاد و عیالنی خاطرلیه جق، ترك حیاتدن
 اول کورمك استیه جك! نه ممکن! بویله ایکی ثانیه لك بر
 ملاقاته مظهریت، بیکلرجه فرسخك بر مسافه بی طی ایتمکه
 متوقف: انجامکار آنلرده حسرتکش اولدیغی حالده
 ترك دغدغه حیات، ورتبه جلیله شهادتله کسب نجات،
 ایده جکدر.

ادهم پاشا زاده

ملازم

عمر صبحی بك

